

Անձնական կյանք ունենալու հետ կապված խնդիրներ. ինչպե՞ս դու կվարվես



ԱՌԱՆՁՆԱՆԱԼՈՒ ՔՈՃԱՄԱՆԱԿԸ

ՕՐԻՆԱԿ՝ ԿՅԱՆՔԻՑ

«Երբեմն ուզում եմ պարզապես մենակ մնալ և ինքս լուծել իմ հարցերը: Բայց մեծ քույրերս ինձ երեխայի տեղ են դնում և ուզում են ամեն ինչ իմանալ: Այնպես չէ, որ ես մի բան եմ թաքցնում, բայց կարիք չեմ զգում նրանց ամեն բան պատմելու» (Ալիսոն):

Քո կարծիքով՝ Ալիսոնի քույրերը թերևս ինչո՞ւ են նրան երեխայի պես վերաբերվում:

Ի՞նչ կարող է Ալիսոնը անել, որպեսզի իր քույրերը իմանան, որ ինքն ուզում է իր անձնական կյանքը ունենալ:

Եթե դու լինեիր Ալիսոնի փոխարեն, ինչպե՞ս կվարվեիր:



2

ՔՈՒ ՍԵՆՅԱԿԸ

ՕՐԻՆԱԿ՝ ԿՅԱՆՔԻՑ

«Երբ վատ օր եմ ունենում, ուզում եմ մենակ մնալ: Իհարկե, շատ լավ է հոգատար ծնողներ ունենալը, բայց երբեմն նրանք ուղղակի ներխուժում են իմ սենյակ այն ժամանակ, երբ ես պարզապես կարիք ունեմ առանձնանալու» (Ռայան):

Քո կարծիքով՝ Ռայանի ծնողները անհանգստանո՞ւմ են նրա համար:

Եթե այո, ի՞նչ է գուցե անում (կամ չի անում) Ռայանը, ինչի պատճառով նրանք ավելի շատ են անհանգստանում:

Եթե դու լինեիր Ռայանի փոխարեն, ինչպե՞ս կվարվեիր, որպեսզի արժանանայիր ծնողներիդ վստահությանը:



ՔՈ ՀԵՌԱԽՈՍԸ

ՕՐԻՆԱԿ՝ ԿՅԱՆՔԻՑ

«Մայրս երբ տեսնում էր իմ հեռախոսը մի տեղ դրված, վերցնում էր այն ու կարդում իմ հաղորդագրությունները: Մի անգամ նա նույնիսկ արգելափակեց ընկերներիցս մեկի հեռախոսահամարը, քանի որ մտածում էր, որ նա վատ ազդեցություն ունի ինձ վրա» (Նադին):

Քո կարծիքով՝ Նադինի մայրը անհանգստանո՞ւմ է նրա համար:

Եթե այո, ի՞նչ է գուցե անում (կամ չի անում) Նադինը, ինչի պատճառով նրա մայրը ավելի շատ է անհանգստանում:

Եթե դու լինեիր Նադինի փոխարեն, ինչպե՞ս կվարվեիր, որպեսզի արժանանայիր մորդ վստահությանը:
